

聚學軒叢書

008

Z12

102

聚學軒叢書第四集第九

歸

唐

石

勅

拾

遺

二

唐

隋唐石刻拾遺序

探綠字於東井西雍之墟討翠珉於龍興虎視之域非
車攻之紀績陳寶之命祥不足以盱奇眸而擴奧臆也
東京以降自鄮無譏然而字青石赤簡古難求堂甃瓦
當揆掇殆盡究之義娥或遺贗鼎莫辨薦紳先生難言
之故夫諷史論世當以隨唐爲準昔弇山尙書之撫關
中也鸞文鳳藻之彥同汎芙渠鴻飛獸駭之資悉登金
薤蓋已有美必收無義弗究矣然而物之顯晦有時而
文之繁省或異虎癡世講才吞鳳石學富雞碑謁余青
門博索周秦已來石刻而疏證之拾關中金石記所遺
隨唐誌錄七十餘種宋以後不與焉椎榻必精甄綜必

確諮詢必廣裁斷必嚴足以覘稽古之識矣篋中舊臧
唐莒襄公碑亦可補畢記之未備故附之開元之末虎
癡來此才三數月耳稱是以求安見隨唐以前如漢曹
全裴岑諸碑者不復出於山谷榛莽間供其孳悅也哉
既付之梓爰爲敘之壬午季秋陶山唐仲冕纂

隋唐石刻拾遺題辭

物聚於所好好之臧否恆視所聚以爲準長安古都會
于闐之玉崑崙虛之璆琳琅玕析支渠搜之織皮游其
地者捆載馱負而去比比也虎癡孝廉客此數月獨於
隋唐石刻竭力搜求輯拾遺一編以補關中金石記之
闕豈所好獨殊而以博古自高異哉碑碣之傳重其人
也其人重故斷楮殘縑猶可寶貴歐虞褚薛顏柳諸君
子往矣風操節概至今於翰墨閒見之虎癡所聚如此
他日啟篋陳列覺鐵畫銀鉤龍跳虎臥不啻正襟危坐
對往哲於一堂憬然動景仰之思畢然深竊比之願所
聚之臧爲何如耶虎癡可謂善用其好矣樂園嚴如燬

弇山畢尙書輯金石記於關中得隋石十一唐石二百七十七虎癡是編於畢記外又得七十有四惟僧懷仁所集聖教序記柳誠懸所書魏公先廟碑數種爲眼前習見之本餘皆近今出土尙書所未及見可知地不愛寶盡發所藏得好事者爲之哀集吉金貞石之壽不若紙傳爲最永也余嘗欲集周秦以來碑碣鼎彝條舉源流疏證得失纂爲金石叢話以附考訂諸家之末奔走四方未遑卒業今客西安得與虎癡晴鞭雨屐肆力蒐求合之敝簏所藏不下五六百種稍需釐訂以伸夙志及見是刻先成且羨且妒矣虎癡長沙寧鄉人與哲昆華耘並舉於鄉稱競爽著有式相好齋詩文初稿此其

嘗鼎一臠
窺豹一斑
云上元車持謙

隋唐石刻拾遺目錄

卷上

隋

周鞏賓墓志

開皇十五年

岐山舍利塔記

仁壽元年

元太僕墓志

大業十一年

元夫人姬氏墓志

十一年

唐

隋陸讓碑

貞觀十九年

文安縣主墓志

二十二年

牛秀碑

許夫人宋氏墓志

豆盧遜墓志

顯慶五年

尼法願墓志

龍朔三年

三原定公碑

麟德元年

隋令狐熙碑

乾封二年

令狐德棻碑

三藏聖教序記并心經

咸亨三年

心經

永隆三年

龐德威墓志

垂拱三年

程元景墓志

長壽三年

杜夫人墓志

長安三年

夫公石像銘

延和元年

裴夫人賀蘭氏墓志

開元四年

折夫人曹氏墓志

十一年

女子唐端權殯志

十二年

于士恭墓志

十五年

進法師塔銘

二十五年

重刻莒國公唐儉碑

二十九年

任令則碑

潘智昭墓志

天寶七載

劉威墓志

十二載

張安生墓志

十四載

房史君題記

張旭肚痛帖

卷下

華嶽廟題名六則

起大曆六年訖乾寧二年

涇王妃韋氏墓志

建中三年

閻夫人張氏墓志

貞元八年

孟再榮造像記

元和三年

心經

五年

西門珍墓志

十三年

吳達墓志

大和四年

晉空和上塔銘

七年

進石經狀殘字

開成二年

重修大像寺記

會昌元年

王守琦墓志

大中四年

劉夫人霍氏墓志

十年

程修己墓志

咸通四年

劉仕備墓志

八年

劉遵禮墓志

九年

魏公先廟碑

萬壽寺記

景福元年

石暎墓志

佛遺教經殘字

隋唐不該書目金
三
馮鳳翼等題名

真空塔銘殘石

鍾離子雲房二大字

佛頂尊勝陀羅尼經咒幢十五種

起天寶五載訖乾符三年

附錄

關中金石記隋唐石刻原目

關中爲石墨淵藪乾隆辛丑鎮洋畢公沅巡撫其地修葺碑林網羅放失自漢迄元得墨本七百餘種著關中金石記八卷淹雅該博視洪薛歐趙諸家不啻十增八九今夏五月自燕之秦急取是記按籍而求得隋唐石刻幾二百種隋唐以前此閒

亦少真蹟自宋至明穹碑林立精刻無多且非行
客所能備致也晴窗檢點得畢記所遺者凡如千
種斷珪殘璧不忍棄遺備錄原文略加攷案分上
下二卷題曰隋唐石刻拾遺行篋無書不能詳考
疎陋之誚固所難辭特欲拾藩按珍以志此閒爲
不虛到吾鄉唐陶山先生開藩於此爲製序付梓
真諸碑林俾後之訪古者藉爲底冊先生驥父執
也耆年篤學著述等身旣以所撰上海吳淞江涇
陽龍洞渠及唐莒公唐儉等碑刊真長安永爲藝
林珍賞而獎進後學之心孜孜靡已昔在江南嘗
刻許月南孝廉宣西通等書翁海邨文學吾妻鏡

補驥何人斯以輅材末學得與晁秦諸子共託蘇
門誠爲厚幸是編之成未周兩月同爲按訪者偃
師段嘉謨襄亭上元車持謙秋舩吳縣蔡成輅曼
受無錫周行雨香諸君子及中表弟陶山先生從
子釗敬之家弟本誠實甫也而校譌訂闕則秋舩
之力居多云道光二年秋七月關中行客長沙黃
本驥虎癡自識